

JP Nacionalni park „Una“ d.o.o. Bihać  
Ul. Bosanska br. 17D  
77 000 B I H A Ć  
Nadzorni odbor  
Broj: 02-0377-7/23  
Bihać, 28.02.2023. godine

Na temelju člana 33. i 38. Statuta JP Nacionalni park „Una,, d.o.o. Bihać, a u vezi sa članom 9. stav 2. tč. 1. Zakona o Nacionalnom parku „Una“ („Službene novine Federacije BiH“ broj: 44/08), Nadzorni odbor na prijedlog direktora na 47. sjednici održanoj 28.02.2023. godine, donosi

## **ODLUKU**

o uvjetima i načinu organizacije sportsko - rekreativnog ribolova  
na vodenim tokovima u području Nacionalnog parka „Una“ za 2023. godinu

### **Predmet**

#### **Član 1.**

Ovom Odlukom uređuju se pitanja od značaja za organizaciju sportsko – rekreativnog ribolova na vodenim tokovima u području Nacionalnog parka „Una“ Bihać za 2023. godinu.

### **Dozvoljeni načini ribolova**

#### **Član 2.**

Dozvoljeni načini ribolova (tehnika ribolova, alati i mamci) na vodenim tokovima u području Nacionalnog parka „Una“ u uspostavljenim revirima su:

1. Ribolov mušičarenjem (fly fishing) po principu „ulovi i pusti“,
2. Ribolov upotrebom vodene kuglice (Wasserkugle) sa najviše 3 (tri) umjetna mamca-suhe mušice,
3. Ribolov varaličarenjem sa blinkerom i drugim umjetnim mamcima tzv. špinjanjem

### **Uspostavljeni ribolovni reviri na vodenim tokovima**

#### **Član 3.**

Organizacija sportsko - rekreativnog ribolova može se vršiti u 6 (šest) osnovnih revira i 1 (jedan) posebni revir, a to su:

1. Revir br. 1 „Martin Brod“ namijenjen samo za mušičarenje (fly fishing), obuhvata područje na rijeci Unac koje počinje 100 (stotinu) metara uzvodno od mosta kod manastira Rmanj, te se nastavlja nizvodno rijekom Unac do lokaliteta Sastavci gdje se Unac ulijeva u rijeku Unu. Zatim se dalje proteže vodotokom rijeke Une nizvodno do tačke zvane „Kamen“ kod zaseoka Palučci na rijeci Uni. Sveukupna dužina ovog revira je 7,5 km.  
- *Poseban revir „Unac“ nalazi se u okviru revira br. 1. „Martin Brod“ te se proteže od tačke koja se nalazi 100 m uzvodno od mosta na rijeci Unac, nizvodno do Sastavaka tj. ušća Unca u Unu, te dalje nizvodno kratkim dijelom toka rijeke Une do tzv. Srušenog mosta gdje završava. Za revir „Unac“ se određuje i posebna cijena ribolovne dozvole.*
2. Revir br. 1A „Gečet“ je kombinirani revir namijenjen za ribolov mušičarenjem, kao i upotrebom vodene kugle (tzv. wasserkugle) sa 3 (tri) suhe mušice ili ribolov varaličarenjem sa blinkerom ili drugim umjetnim mamcima tzv. špinjanjem.

Ovaj revir obuhvata područje od tačke zvane „Kamen“ kod zaseoka Palući na rijeci Uni, nizvodno do slapa koji se nalazi 150 (stotinupedeset) metara uzvodno od velikog mosta u naseljenom mjestu Kulen Vakuf. Dužina revira je 3 km.

3. Revir br. 1B „Kulen Vakuf“ namijenjen samo za mušičarenje (fly fishing). Obuhvata područje na rijeci Uni od slapa koji se nalazi 150 (stotinupedeset) metara uzvodno od velikog mosta u naseljenom mjestu Kulen Vakuf, te se proteže kroz naseljeno mjesto Kulen Vakuf nizvodno do mosta koji preko rijeke Une vodi do naseljenih mjesta Klisa i Ostrovica. Sveukupna dužina ovog revira je 1,5 km.
4. Ribolovni revir br. 2 „Klisa – Čelije“ namijenjen za ribolov upotrebom vodene kugle (tzv. wasserkugle) sa 3 (tri) suhe mušice ili ribolov varaličarenjem sa blinkerom ili drugim umjetnim mamcima tzv. špinjanjem. Obuhvata područje na rijeci Uni od tačke tzv. „Oćukine kuće“ (od zone A stalne zabrane), nizvodno rijekom Unom do nekadašnjeg visećeg mosta kod željezničke stanice Štrbački buk. Dužina revira je 14,5 km.
5. Ribolovni revir br. 4 „Dvoslap“ namijenjen za ribolov upotrebom vodene kugle (tzv. wasserkugle) sa 3 (tri) suhe mušice ili ribolov varaličarenjem sa blinkerom ili drugim umjetnim mamcima tkz. špinjanjem. Revir obuhvata područje na rijeci Uni od Bisovačkog mosta (željeznički most-granica sa Republikom Hrvatskom) nizvodno tokom rijeke Une do slapa Dvoslap (gornji slap). Dužina revira je 3,3 km.
6. Ribolovni revir br. 5 „Očigrije“ namijenjen za ribolov upotrebom vodene kugle (tzv. wasserkugle) sa 3 (tri) suhe mušice ili ribolov varaličarenjem sa blinkerom ili drugim umjetnim mamcima tkz. špinjanjem. Obuhvata područje na rijeci Uni uzvodno od Martin Broda, tačnije od drvenog mosta na lokalitetu Zamršten (nalazi se uzvodno od željezničkog mosta) uzvodno tokom rijeke Une do tačke na rijeci koja je u ravni sa raskrsnicom za Očigrije tj. podvožnjakom ispod željezničke pruge. Dužina revira je 1,7 km.

### **Stalne zabrane ribolova na vodenim tokovima**

#### **Član 4.**

U ostalom dijelu vodenih tokova na području Nacionalnog parka „Una“ u 2023. godini uspostavlja se 7 (sedam) zona stalne zabrane ribolova bilo koje vrste i to su:

1. A-zona, koja obuhvata područje od mosta koji vodi za naseljeno mjesto Klisa nizvodno tokom rijeke Une u dužini od 500 (petsto) metara do lokaliteta tzv. „Oćukina kuća“.
2. B-zona, koja obuhvata područje od nekadašnjeg visećeg mosta kod željezničke stanice Štrbački buk nizvodno do lokaliteta Bisovački most (željeznički most).
3. C-zona u dužini 400 (četiristotine) metara. Počinje od tačke koju čini sjeverna granica Nacionalnog parka „Una“ na sedrenoj adi nizvodno od Dvoslapa, te se proteže uzvodno 400 m do gornjeg slapa na Dvoslapu.
4. D-zona, koja obuhvata područje koje počinje 100 (stotinu) metara uzvodno od mosta kod manastira Rmanj na rijeci Unac i proteže se uzvodno do južne granice Nacionalnog parka „Una“ u pravcu općine Drvar-lokalitet Berek.
5. E-zona, koja obuhvata područje od lokaliteta Sastavci gdje se rijeka Unac ulijeva u rijeku Unu u naseljenom mjestu Martin Brod, uzvodno vodotokom rijeke Une do drvenog mosta na lokalitetu Zamršten (nalazi se uzvodno od željezničkog mosta).
6. F-zona obuhvata područje od ribolovnog revira „Očigrije“ odnosno tačke na rijeci Uni koja je u ravni sa raskrsnicom za selo Očigrije tj. podvožnjakom ispod željezničke pruge, uzvodno do ušća rječice Krke u rijeku Unu, te nastavlja uzvodno cijelim tokom rječice Krka do njenog izvora,
7. G-zona koja obuhvata tok rječice Ostrovica od ušća u rijeku Unu do njenog izvora.

## Označavanje revira

### Član 5.

Utvrđeni reviri i zone zabrane biti će označeni vidljivo istaknutim tablama sa oznakama i pravilima o uvjetima i načinu organizacije sportsko- rekreativnog ribolova.

## Mogućnost dnevnog izlova ribe

### Član 6.

- a) U ribolovnim revirima br. 1 „Martin Brod i br. 1B “Kulen Vakuf” gdje se sportsko-rekreativni ribolov obavlja isključivo metodom mušičarenja (fly fishing) ne dozvoljava se izlovljavanje ribe i ribolov vrši isključivo po principu “ulovi i pusti”. Ovo pravilo vrijedi za sve vrste ribe koja se lovi pa tako i za kalifornijsku pastrmku.
- b) U ribolovnim revirima br. 2 „Klisa – Čelije“, br. 4 “Dvoslap” i br. 5 „Očigrije“ gdje se sportsko-rekreativni ribolov obavlja isključivo metodom korištenja vodene kugle (tzv. wasserkugle) sa 3 (tri) suhe mušice (umjetna mamca) ili varaličarenjem, dozvoljava se:
  - sportskom ribolovcu da dnevno izlovi maksimalno 2 (dva) primjerka ribe koja obitava u području revira i koja po primjerku ne može biti manja od 30 (trideset) cm i veća od 40 (četrdeset) cm za primjerke pastrmke i lipljena. Primjerke koji su manji od 30 cm ili veći od 40 cm, sportski ribolovac je obavezan vratiti u vodu.
- c) U ribolovnom reviru br. 1A “Gečet” uspostavlja se poseban režim ribolova na način da se isti koristi kombinirano: od ponedjeljka do četvrtka ribolov u reviru je dozvoljen isključivo metodom mušičarenja (fly fishing) po principu “ulovi i pusti”, a od petka do nedjelje ribolov u reviru je dozvoljen isključivo metodom korištenja vodene kugle (tzv. wasserkugle) sa 3 (tri) suhe mušice (umjetna mamca) ili varaličarenjem.

## Režim ribolova

### Član 7.

**U reviru br. 1 “Martin Brod”** gdje se sportsko-rekreativni ribolov obavlja samo metodom mušičarenja (flyfishing) u 2023. godini uspostavlja se režim ribolova u vremenskom periodu:

- od 29. aprila do 01. oktobra - svaki dan

Posebni revir “Unac” (dužine 1,0 km) koji je u sastavu revira br. 1 obuhvata područje na rijeci Unac koje počinje 100 (stotinu) metara uzvodno od mosta kod manastira Rmanj, te se nastavlja nizvodno rijekom Unac do lokaliteta Sastavci gdje se Unac ulijeva u rijeku Unu i kratko nastavlja rijekom Una do tzv. Srušenog mosta, gdje se u 2021. godini uspostavlja režim ribolova u vremenskom periodu:

- od 03. mart do 01. oktobra—svaki dan

**U reviru br. 1A “Gečet”** gdje se sportsko-rekreativni ribolov se vrši kombinovano, u 2023. godini uspostavlja se režim ribolova u vremenskom periodu:

- od 29. aprila do 01. oktobra za pastrmku i lipljen

i to u dane ponedjeljak-četvrtak isključivo metodom mušičarenja (flyfishing), a petkom, subotom i nedjeljom isključivo metodom vodene kugle (tzv. wasserkugle) sa 3 (tri) suhe mušice (umjetna mamca) ili varaličarenjem.

**U reviru br. 1B “Kulen Vakuf”** gdje se sportsko-rekreativni ribolov obavlja samo metodom mušičarenja (fly fishing), u 2023. godini uspostavlja se režim ribolova u vremenskom periodu:

- od 29. aprila do 01. oktobra - svaki dan

**U reviru br. 2 „Klisa-Ćelije“** gdje se sportsko-rekreativni ribolov obavlja metodom korištenja vodene kugle (Wasserkugle) sa 3 (tri) suhe mušice (umjetna mamca) ili varaličarenjem u 2023. godini uspostavlja se režim ribolova u vremenskom periodu:

- od 03. mart do 01. oktobra za pastrmku
- od 29. aprila do 01. oktobra za lipljen

i to u dane petkom, subotom i nedjeljom, a ostalim danima ribolov je zabranjen.

**U reviru br. 4 „Dvoslap“** gdje se sportsko-rekreativni ribolov obavlja metodom korištenja vodene kugle (Wasserkugle) sa 3 (tri) suhe mušice (umjetna mamca) ili varaličarenjem u 2023. godini uspostavlja se režim ribolova u vremenskom periodu:

- od 03. mart do 01. oktobra za pastrmku
- od 29. aprila do 01. oktobra za lipljen

i to u dane petkom, subotom i nedjeljom, a ostalim danima ribolov je zabranjen.

**U reviru br. 5 „Očigrije“** gdje se sportsko-rekreativni ribolov obavlja metodom korištenja vodene kugle (tzv. wasserkugle) sa 3 (tri) suhe mušice ili ribolov varaličarenjem sa blinkerom ili drugim umjetnim mamcima tzv. špinjanjem u 2023. godini uspostavlja se režim ribolova u vremenskom periodu:

- od 03. mart do 01. oktobra za pastrmku
- od 29. aprila do 01. oktobra za lipljen

i to u dane petkom, subotom i nedjeljom, a ostalim danima ribolov je zabranjen.

### **Izuzeca od primjene odredbi Odluke**

#### **Član 8.**

Zbog organizacije ribolovnog takmičenja u mušičarenju “National park Una Open”, iznimno se odobrava ribolov u mušičarskim revirima br. 1 “Martin Brod” i br. 1B “Kulen Vakuf” tokom mjeseca oktobra 2023. godine u trajanju od maksimalno dva dana.

### **Vrste i cijene ribolovnih dozvola**

#### **Član 9.**

U revirima br. 1 „Martin Brod“, br. 1B “Kulen Vakuf“ br. 1A “Gečet” (kombinovani) u kojima se sportsko-rekreativni ribolov vrši metodom mušičarenja (fly fishing), za 2023. godinu utvrđuje se visina novčane naknade po slijedećim kategorijama:

- 12,00 (dvanaest) KM dnevna dozvola za državljane Bosne i Hercegovine članove ribolovnih udruženja u Bosni i Hercegovini, uz dokaz o redovnom članstvu i ličnu kartu/pasoš,
- 40,00 (četrdeset) KM dnevna dozvola za turiste sportske ribolovce,
- 100,00 (stotinu) KM trodnevna dozvola za turiste - sportske ribolovce,
- 140,00 (stotinučetdeset) KM petodnevna dozvola za turiste - sportske ribolovce.

Izuzetak je posebni revir “Unac” koji se nalazi u sastavu revira br. 1 “Martin Brod”, a za koji se utvrđuje visina novčane naknade za ribolovne dozvole:

- 50,00 (pedeset) KM dnevna dozvola za sve sportske ribolovce,
- 120,00 (stotinudvadeset) KM trodnevna dozvola za sve sportske ribolovce,
- 170,00 (stotinusedamdeset) KM petodnevna dozvola za sve sportske ribolovce.

U revirima br. 1A "Gečet" (kombinovani), br. 2 „Klisa-Ćelije“, br. 4 "Dvoslap" i br. 5 „Očigrije“ u kojima se sportsko-rekreativni ribolov vrši metodom korištenja vodene kugle (tzv. wasserkugle) sa 3 (tri) suhe mušice (umjetna mamca) ili varaličarenjem, utvrđuje se visina novčane naknade u slijedećim iznosima:

- 17,00 (sedamnaest) KM (12,00 KM za mušičarenje) dnevna dozvola za ribolovce državljane BIH, članove udruženja sportskih ribolovaca u Bosni i Hercegovini, uz dokaz o redovnom članstvu i ličnu kartu/pasoš,
- 40,00 (četrdeset) KM dnevna dozvola za turiste – sportske ribolovce,
- 100,00 (stotinu) KM trodnevna dozvola za turiste - sportske ribolovce,
- 100,00 (stotinu) KM godišnja dozvola (30 dnevnih izlazaka na vodu u toku ribolovne sezone) za državljane BIH članove udruženja sportskih ribolovaca u Bosni i Hercegovini, uz dokaz o redovnom članstvu i ličnu kartu/pasoš.
- 50,00 (pedeset) KM godišnja dozvola (30 dnevnih izlazaka na vodu u toku ribolovne sezone) za državljane BIH članove udruženja sportskih ribolovaca u Bosni i Hercegovini uz dokaz o redovnom članstvu i ličnu kartu/pasoš, za slijedeće kategorije:
  - Ratni vojni invalidi uz predočenje dokumenta kojim dokazuju status,
  - Penzioneri uz predočenje dokumenta kojim dokazuju status,
  - Porodice šehida i poginulih boraca uz predočenje dokumenta kojim dokazuju status,
  - Demobilisani borci koji su radno sposobni i koji se nalaze na evidenciji nezaposlenih JU "Zavod za zapošljavanje USK-a" uz predočenje dokaza o statusu demobilisanog borca i nezaposlene osobe,
- 60,00 (šezdeset) KM godišnja dozvola (30 dnevnih izlazaka na vodu u toku ribolovne sezone) za domicilno stanovišтво u području Nacionalnog parka "Una" uz predočenje dokaza o mjestu prebivališta (CIPS) ili vlasništvu/suvlasništvu nad nekretninom u području Nacionalnog parka "Una".
- 35,00 (tridesetpet) KM godišnja dozvola (30 dnevnih izlazaka na vodu u toku ribolovne sezone) za domicilno stanovišтво iz područja Nacionalnog parka "Una" uz predočenje dokaza o mjestu prebivališta (CIPS) ili vlasništvu/suvlasništvu nad nekretninom u području Nacionalnog parka "Una" i to:
  - Ratni vojni invalidi uz predočenje dokumenta kojim dokazuju status,
  - Penzioneri uz predočenje dokumenta kojim dokazuju status,
  - Porodice šehida i poginulih boraca uz predočenje dokumenta kojim dokazuju status,
  - Demobilisani borci koji su radno sposobni i koji se nalaze na evidenciji nezaposlenih JU "Zavod za zapošljavanje USK-a" uz predočenje dokaza o statusu demobilisanog borca i nezaposlene osobe,
- 30,00 (tridest) KM počasnici članovi USR „Una“ starosti preko 65 (šezdesetpet) godina uz predočenje lične karte i original dokumenata kojim dokazuju status počasnog člana.

### **Pravno vezani akti**

#### Član 10.

Sastavni dio ove Odluke čine Pravila o uvjetima i načinu organizacije sportsko – rekreativnog ribolova na vodenim tokovima u području Nacionalnog parka „Una“ za 2023. godinu.

### **Sankcije**

#### Član 11.

Kršenje odredaba ove Odluke i Pravila o uvjetima i načinu organizacije sportsko – rekreativnog ribolova na vodenim tokovima u području Nacionalnog parka „Una“, pored pokretanja prekršajnog

postupka prema počiniocu kod nadležnih tijela, povlači i mogućnost izricanja sankcije od strane nadležnih tijela JP Nacionalni park "Una" d.o.o. Bihać prema prekršiocima, koja se ogleda u privremenoj ili trajnoj zabrani ribolova na području Nacionalnog parka "Una" Bihać, bez mogućnosti povrata novčanih sredstva uplaćenih za kupovinu ribolovne dozvole.

Sankcija prema prekršiocu koja se ogleda u privremenoj zabrani do 12 mjeseci koju donosi Uprava ili trajnoj zabrani ribolova na vodotocima u Nacionalnom parku Una koju donosi Nadzorni odbor na prijedlog Uprave.

#### Član 12.

Lica koja nadzornici JP Nacionalni park "Una" d.o.o. Bihać zateknu u kršenju propisa o ribolovu na vodenim tokovima u području Nacionalnog parka „Una“, moguće je izricanje trajne zabrane ribolova na vodenim tokovima u području Nacionalnog parka "Una" od strane Uprave JP Nacionalni park "Una" d.o.o. Bihać u slučajevima kada:

- obavljaju sportski ribolov bez ribolovne dozvole,
- obavljaju sportski ribolov zabranjenim sredstvima i alatima,
- love i uništavaju riblju mlad i primjerke veće biološke vrijednosti u vrijeme lovostaja;
- love ribu harpunom, ostima i drugim zabranjenim sredstvima i alatima, vatrenim oružjem ili hemijskim i drugim sredstvima koja ubijaju i truju ili omamljuju ribu;
- love ribu neposredno rukom;
- ometaju postavljanje znakova kojima se obilježava ribolovno područje, prirodno riblje mrijestilište, ribnjak ili ribolovna voda za ribolov pod posebnim uslovima i mjestima na kojima je ribolov zabranjen, kao i vrše oštećenje i premještanje znakova;
- ribolove noću.

#### Član 13.

Lica koja su u toku 2022. godine sankcionisana zbog kršenja ribolovnih propisa (lakši prekršaji) u ribolovnim revirima Nacionalnog parka "Una", zabranjuje se ribolov u revirima NP Una na period od godinu dana odnosno ta lica neće moći ishodovati ribolovne dozvole za 2023. godinu.

### **Rokovi**

#### Član 14.

Ova Odluka stupa na snagu danom donošenja, a primjenjivaće se za kalendarsku 2023. godinu.

Predsjednica Nadzornog odbora  
Željka Marković-Sekulić, dipl. pravnica